

# STORACLES OF PROPHECY

## A Tanu' Laamna

Mark 6:17-29

### Ta-ang Thu . . .

**K**umpi Herod's zi Herodias in tuiphumpa John mudah mahmah hi. Sehnal gama thuhilh kamsang pa in, na pasal Philip tisan-a agilo ahau zaw a sanggampa na tenpih pen nu leh pa mawhna ahi hi, ci ngam hi. Agilo kumpinu in John thah nadingin Herod kumpipa zat dingin khensat hi. Khatna ah, John pen thong akiat nadingin bawl hi. Tua khitchiangin that in ci-in sawl a, ahiah hangin Herod in nial hi. Banghang hiam cih leh John pen Pasion kamsang maan hich thei a, mipite lungkim loh khak ding lau hi.



Atawpna ah Herodias in lampi dangkhat hong ngaihsun hi. Herod suahni pawl bawlsak iin agam sung ulian khempeuh samin, tua lai ah amel hoih atanu Salome amuhnop huai mahmah laamna namte tawh laam dingin gel hi. Herodias in Herod in zuu hong khampian leh Salome kiangah bang deih nahi hiam na deih peuhpeuh hong pia ning cingel ding hi ci-in ummawh hi.

Ama upmawh banglian-in hong piang takpi hi. Salome hong laam aman ciangin Herod in sam a, kamciam thakhat thu in pia pah hi: "Nong nget khempeuh, ka gam phel khat dongin nang kong pia ding hi" ci hi. Mark 6:23.

A zahtak huai mahmah lengla te in kumpipa thusiamna pahtawina khut abet laitak un, numeinu in adeihna ngen dingin hong kisa ta hi. Tuiphumpa John lutang dalkuang sungah hong pia in ci a anget ciangin aza khempeuh in lamdang sa-in kigaih liang uh hi. Herod in zong tua ngetna pen lamdang salua mahmah hi, tua laitakin azahtak huai mahmah lengla ulian tengin abangci dawn tam maw, ci-in ngak ciat uh hi. Pia ngam kei leh ginalo akicih ding lau ahiah manin utlo pipi-in va la un ci-in thupia hi. Tua ni lian mahin avanglian kamsangpa John lianbek thong sungah kingawng tan hi.

Hih banga nu leh tanu kikop-a kumpi thuneihna tawh Pasion mite akibawlsiat a khatvei na hilo hi.

#### AMAZING FACTS

## Thu Sinna

Laisiangtho na sim khitchiangin a awng munte behlap in.

### 1. Laisiangtho lui ah nu leh tanu kikop a, Pasion mite abawlsia dang kua te hiam?

**Kumpite Masa 18:13** \_\_\_\_\_ in *Topa kamsangte that hi.*

**Kumpite Nihna 11:1** *Tu in* ... \_\_\_\_\_ in *a tapa asih lam atheih ciangin amah akipanin kumpi innkuan khempeuh susia hi.*

Phawk Ding: Laisiangtho Lui sungah Jezebel leh atanu Athaliah te in sak leh khang Israel leh Judah kumpi gam sung tengah gamhtat takin uk uha, Pasion mite milim bia dingin zawhthawh thu tawh sawl uh hi.

### 2. Mangmuhna 14 sunga vantungmi nihna tangko in bang hiam?

**Mangmuhna 14:8** *Tua nung ciangin nihna vantungmi in zui in, Nu leh pa khialhna tawh kipawl ama hehna leenggahzu mipawl khempeuh adawnsak khuapilian* \_\_\_\_\_ *acimzo hi,* \_\_\_\_\_ *hi, ci in agen hi.*

Phawk Ding: Mangmuhna 14 sungah akin mahmah thupuak thum om-a tua te Zeisu hong kumkik ma-in leitung bup azelh kul hi. Hih lesson sungah anihna thupuak en ding hihang. Pasion ii mawhsak Babylon thu om hi, ahangin Babylon in a kihhuai khamtheih lenggahzu mipawl khempeuh dawnsak hi, ci hi. Hih lesson ah Catholic leh Protestant thu um te tungah thupuak ahiahna thu ih sin suk ding hi. Hih vantungmi nihna thupuak pen eite khempeuh in ih it Zeisu kiangpan ahiah lam phawk ni. Zeisu ii mungkup bel in hong gum ding leh thupha hong pia ding cih ahi hi, tua ahiah manin na lungsim Ama thumaan alut nadingin hon in.

### 3. Mangmuhna 17 ah Pasion in Babylon koici limciing sak hiam?

**Mangmuhna 17:18** *Na muh* \_\_\_\_\_ *zong leitung kumpite a uk khuapi ahihi, ci in ka kiangah hong gen hi.*

Phawk Ding: Laisiangtho sungah numei pen Pawlpi cihna ahi hi. Mangmuhna 12 sungah agen mah bangin numei siangtho pen Pasion' pawlpi maan ahi hi. Numei hoihlo pen Laisiangtho tawh kituak lo pawlpi cihna hi. Eite in hih acim [fallen] numei in kua hichih ih telcian thei hi, bang hang hiam cih leh Mangmuhna 17:18 ii gen Mangmuhna akigelh laitakin tua numei in a uk laitak hi. Leitung ta-angthu in milim bia Rome ci a (Luke 2:1) amah in a ukna, akhuapi, leh athuneihna papal Rome [pope] ap hi.

### 4. Babylon pen papal Rome hichih kician-a gentheih nading Mangmuhna 17 sungah adang aom lai hiam?

- A. *Numei in Pasion gensia (aneu 3).*
- B. *Numei in adupsan leh a-ausan puan silh hi (aneu 4).*
- C. *Numei in Nu kici hi (aneu 5).*
- D. *Numei in apaktat tanu te nei, tua te zong akicim[fallen] mah (aneu 5).*
- E. *Numei in misiangthote bawlsia, thatlum hi (aneu 6).*
- F. *Numei in "mual sagihte" tungah tu hi (aneu 9).*
- G. *Numei in "leitung kumpite" khempeuh uk hi (aneu 18).*

Phawk Ding: Genkolhna khempeuh papal Rome tawh kituak khin sitset hi. A phualpi in Rome gam sunga om—"mual sagih tunga kilam." A-ausan [scarlet] puan pen Cardinal te puantual hi a, pope in zong vaithupi mahmah te ah adupsan [purple] silh zel hi. Roman Catholic pawlpi in, Middle Age hunlai-in leitung kumpite khempeuh uk uha, misiangthote zong ka bawlsia mah uh hi, ci uhhi. (Papacy in Pasion gensia-in khial tatak mah hi cihna Lesson 13 na enkik in). Pasion in limciinga agenkhoh tawh kituak sitset hi—akicim nu ahi pawlpi pan in akicim a tanu te in langpan ahiah manin Protestants kici hi. Hih Father James A. O'Brien gen phawk in: "Acianlai Nu kici Pawlpi [Mother Church] pan apusuak Catholic ahilo khempeuh in [Saturday ni ta'angin Sunday ni] tang paisuak uh hi."<sup>1</sup>

<sup>1</sup> *The Faith of Millions* (Huntington, IN: Our Sunday Visitor, Inc., 1974), p. 401.

### 5. Mangmuhna 13 leh 17 aa sapi te bangci saikak ding?

**Mangmuhna 13:1** *Tua laitakin tuipi sung panin ganhing khat a hong pusuak ka mu hi. Tua ganhing in* \_\_\_\_\_ *sawm leh* \_\_\_\_\_ *sagih nei a, ... a lutang sagihte tungah* \_\_\_\_\_ *hoihlo khat ciat a kigelh hi.*

**Mangmuhna 17:3** *Pasion tungah pau* \_\_\_\_\_ *min adim, lutang* \_\_\_\_\_ *leh ki* \_\_\_\_\_ *anehi, sahang san tungah tu a a om numei khat ka mu hi.*

Phawk Ding: Mangmuhna 13:1-10 sunga leh Mangmuhna 17 sunga sapi akibang ahi hi. Rome thuneihna gen nuam uh ahi hi. Mangmuhna 17 in gam ukna anei (sapi) leh atunga tuang pawlpi (numei), biakna [pawlpi] leh gamvai kikopna ding thu pulak hi. Mangmuhna 13 in zong sapi nih kipawlin biak ding hong gumgaw tang sawl ding cih gen hi. Mangmuhna 17 sungah agen mah bangin, amasa sapi in "apaktat numeinu ii nu" thuneihna tawh kibang hi. Hih thusinna in anihna sapi kua hiam cih zong hong hih ding hi.

### 6. "Babylon" cih kammal koi pan hi a, akhiahna bang hiam?

**Piencil 11:4, 6, 7, 9** *Hong pai un, ... khuapi khat lamin a dawn in van aban tausang khat neisak ni. ... Topa in, ... "Hong pai un, va paisukin a kampau uh va* \_\_\_\_\_ *in. Tua hileh khat leh khat a kithei tel kei ding uh hi." ... Tua thu hangin Babel kici hi- bang hang hiam cih leh tua lai-ah Topa in leitung buppi kampau a* \_\_\_\_\_ *hi.*

Phawk Ding: "Babel" leh "Babylon" cih khatna-in "buaigawpna" cih ahi hi. Hih min pen milim bia te'n tuicin tunkhit a Babel Tausang alamhna pan vua hong piangkha ahi hi. Tuicin in atup zawhloh ding asang mahmah-a alamh sawm uh ahi hi. Ahiah hangin Pasion in kampau buaigawp sak a, a maban uh zom thei nonlo uh hi. A nungciangin milim bia leitung kumpi Babylon hong khangkhia a Pasion mite bawlsia hi. Mangmuhna sunga "Babylon" cih pen biakna maanlo kumpi gam hi a, khalam Pasion' Isreal mite ii gal cihna ahi hi.

### 7. Pasion in Babylon a koici dan hi ci-in gen a, Ama mite paikhia dingin sam hiam?

**Mangmuhna 18:2-4** *Amah in, Babilon khuapi* \_\_\_\_\_ *hi, acim hi. Dawi gilote omna, kihhuaikha khempeuh khumna, ... Keima mite aw, a mawh gamtatna-ah kihel kha-in a gimthuakna thuakpih khading na hih manun hong* \_\_\_\_\_ *un.*

Phawk Ding: Pasion in Babylon a cimzo hi dawite leh khagilote inn asuak zo hi ci hi. Amawhna lianlua ahih manin kiskusia ding hi ci hi. Pasion mite manlangin Babylon pan hong paikhia kul hi, tua hi kei leh Babylon gimna daan tawh siakhawm ding uh hi.

### 8. Babylon in a zuu leitung mi khempeuh kham sak ahih manin Zeisu in mawhsak den hi, tua zuu in bang hiam?

**Mangmuhna 17:4** A paktatna hangin a kihhuai a \_\_\_\_\_ mahmah nate a dimin a omna kham hai khat a tawi hi.

Phawk Ding: A zuu hai in zuau bulom tawh kidim (Paunak 12 :22 ), ahih keileh amaanlo thuhilh-in mite khalam mittaw sak hi. Hiah akhemna namte tawm gual suk leng:

- A. Thukham Sawmte akim-in lenlo (lesson 6 en in)
- B. Sunday ni nipi dingin bawl (lesson 14 en in)
- C. Kiguksimna, laksimna um (Lesson 3 en in)
- D. Nuntaaknakha (soul) si theilo hi ci (Lesson 9 en in)
- E. Hell sungah a tawntunga ka-ang.(Lesson 10 en in)
- F. Mawhna te mihing siampipa tung sut lai (Lesson 13 en in)
- G. Tuiphum maanlo .(Lesson 11 en in)
- H. Kamtuam sang (Lesson 23 en in)

A dahhuai tatak thu in Babylon ii thuhilhna asan khit uh ciangin a khalam mit uh mialin Laisiangtho gen thumaan tatak telzo nonlo uh hi, bang hang hiam cih leh akhial a upna (doctrines) te un amau te khim hi.

### 9. Hun nunung ciangin sapi kua in panpih ding hiam?

**Mangmuhna 13:11, 12** *Tua khit ciangin leitung panin \_\_\_\_\_ khat pusuak ka mu hi. Tua sahang in tuuno bangin ki nih nei a, gulpi bangin apau thei hi. Amah in amasa sahang mai ah amasa sahang ngah ana khempeuh nei in, asi dektak aliamna ma adam kik amasa sahang pen leitung leh leitung mi khempeuh abiasak hi.*

Phawk Ding: Kithakhauh sak in! Mangmuhna 13 sunga sapi nihna in United States of America ahi hi. Ahihna thu te lungngai leng:

A. < ch[ d g U ] \j i b "

Pasion in (Mangmuhna 13:10,11) sungah hih sapi hong kahtoh sawngin amasa sapi sidek takin liamma nei ding hi ci hi. United State of America hong kahtoh hun pen papacy [pope] thuneihna abei hun, kum 1260 acin, 1798 kum ahi hi. 1776 kum in America in suahtakna ngah hi. 1787 kum ciangin constitution kipsakna nei, 1791 teh the bill of rights kikipsak, 1798 kum ciangin leitung gam thahat khat iin kiciamteh hi.

B. @j b[ d b ] b \ ch[ d g U ] \."

Ih sinsa mah bangin, tui sung pan hong pusuak kumpigamte (sapi te) cih pen mi tam namun agen nuam hi a (Mangmuhna 17:15 ), leitung pan cih tawh kilehbulh hi. United States pen mi tawm, mi kithengthahna pan a hong piangkha ahih manin hih thu tawh kituak linlian hi

C. *Tuuno bangin kii nih nei hi.*

Genkholhna ah tuuno pen Zeisu limla hi a, kii in thuneihna limla ahi hi. Kii gol nih te in Protestant thumungpi ahi America kipuhna—gamvai leh biakna suahtakna lim ahi hi. Gam phutcil te in Europe gam panin biakna leh gamvai bawlsiatna pan suahtakna dingin ataikhia uh ahi hi. Tua manin amaute in gamvai leh biakna suahtakna na bulpuh uh hi—"kumpi omlo gam ki-ukna leh Pope omlo biakna."

### 10. Genkholhna tungtawnin, America ah nasiatak a kikhelna bang hong piang ding hiam?

**Mangmuhna 13:11** \_\_\_\_\_ bangin a \_\_\_\_\_ thei hi.

Phawk Ding: Gulpi banga kampau cih pen United States in Satan huzapna tawh gam phutcil Protestant te' bulpuh pawlpi leh gamvai kigawmlo ding cih thu hong lumlet ding uha, biakna thukham hong bawl ding uh hi. Ut leh utloh thu hilo in amau deih banga bia dingin hong gumgaw sawl ding uh hi. Amang nuam lo te vanzuak vanleina tawh gawt ding uha (aneu 16, 17) atawpna ah thar ding uh hi (aneu 15).

### 11. Hun beikuan ah, thunei thum kipawl a Pasion mite ado ding kua teng hiam?

**Mangmuhna 16:13** *Tua lai takin \_\_\_\_\_ kam, \_\_\_\_\_ kam, \_\_\_\_\_ hilhte kam sung pan uiphuk tawh kibang akihhuai kha pawl thum a puasuakkhia ka mu hi.*

Phawk Ding: Gulpi in Satan hi a (Mangmuhna 12:9), milim biate khutzat-a nei-in nasem hi. Mangmuhna 13:1-10 sunga sapi pen papacy ahi hi. Kamsang maanlo Mangmuhna 16 sunga acih pen thu-um akici America aom Protestant te hi a, Mangmuhna 13:11-17 sunga kii nih nei tuuno tawh kibang anung cianga gulpi banga kampau acih pen tawh kibang hi. Hih in vangliatna anei "nalamdang lianpi" leh "ganhing masa omna-ah nalamdang bawlhneihna ding thu ngah ahih manin a nalamdang bawlna tawh leitungah a om mi khempeuh khem hi..." Mangmuhna 13:13,14. (Mangmuhna 19:20 sunga kamsang maanlo thu agen na saikak khawm in.)

### 12. Hih akibang hetlo kipawlina [thum] te hong kipumkhat takpi mah diam?

**Mangmuhna 16:14** *Amaute in na lamdang lakin Vanglian tawntung Pasion nilianpi ah gal do in leitung \_\_\_\_\_ pan \_\_\_\_\_ kikhawmsak ding un apaikhia dawi gilo khat ahi uh hi.*

Phawk Ding: He! "Pasion in hong kipumkhat ding uh ci hi. Phawk dingah Pasion mite do-in khemna nasepna ah amau te hong kithukhat ding uh hi. "Avanglian Pasion galdona ni lianpi" cih in gulpi in numei suan te tawh kido cih (Mangmuhna 12:17) sunga kigen tawh thupiang akibang hi.

### 13. Hih hun beikuan ah akipawlkhop theih nadingun bang lampi hong zang ding uh hiam?

**Mangmuhna 16:14** *Amaute in na \_\_\_\_\_ lakin ... apaikhia dawigilo khat ahi uh hi.*  
**Mangmuhna 13:13, 14** *Tua ganhing nihna in na \_\_\_\_\_ lianpipi bawl a, mi khempeuhthe' muhin van panin leitungah meikuang nangawn a kiasak thei hi. Ganhing masa omna-ah na lamdang bawlhneihna ding thu ngah ahih manin a na lamdang bawlna tawh leitungah a om mi khempeuh \_\_\_\_\_ a, ...*

Phawk Ding: Hih hun bei kuan-a kipawlkhop nadingun dawigilo te huhna tawh nalamdang lianpipi bawlin, leitung bup phial khemin ngah ding uh hi (Mangmuhna 13:3). Mangmuhna 18:23 in, "Nang bumna in leitung minam khempeuh lam pialsak khin hi," ci hi.

### 14. Hun beikuan ah Pasion mite khemna ah apuk loh nadingun bangin dal ding hiam?

**Isaiah 8:20** \_\_\_\_\_ le \_\_\_\_\_ te bek ngai un. *Amaute in hih kammalte tawh kizui-in a pau kei uh leh amau adingin phalvak khuavak a nei lo suak uh hi. (ZIV)*

Phawk Ding: Pasion mite in Laisiangtho tawh na khempeuh sittel ding uh hi. Amaute in nalamdang te leh thu kihilhna te dawimangpa kiang pan maw Pasion kiang pan cih sittel sitset ding uh ahih manin kikhem zolo ding uh hi.

## Nang Dawnna

*Tuni-in Pasion in Ami te amuanhuai abaanglai Ama pawlpi ah Babylon pan a taikhia dingin hong sam hi. Babylon ah na omlai uh leh ama mawhna ah kidiahin ama thuak gimna na thuak ding uh hi, ci hi. Noah hunlai-in Pasion in a suahtakna ding vua agelsak tembaw sungah mihing giat bek lut a, adang teng khempeuh si uh hi. Tuni-in Pasion in suahtakna tembaw mah bangin abaanglai Ama pawlpi hong phut a, mi awn tampi lut khinta hi. Zeisu in "Nang leh na innkuanpih te tembaw sungah hong pai un" (Piancil 7:1) ci hi. Tuni-a Topa hong sapna, "Awleh" na ci ding hiam?"*

**DAWNNA:** \_\_\_\_\_

## Hilhcianna

*Hih anuai- a te in telbeh nadingin hong huh ding hi.*

### USA leh Rome Bangzahta iin Thahat Hiam?

Mangmuhna 13 sungah agen mah bangin, hun beikuan ciangin papacy leh United State hong kikopin leitung bup in sapi abiak nadingin hong bawl ding uh hi. Hih bang asem zo dingin acingtaak mah uh hiam?

Tu-in leitungah papacy in biakna—gamvai ah a thahat pen hong hita hi. Leitung gam khempeuh phial in Vatican ah pailai mi leh pailai zuum nei kim phial uh hi. Gam khempeuh in zahtak mahmah uha muak ciat uh hi. Former U.S.S.R. leader Mikhail Gorbachev genna ah, "Europe Nisuahna lam gamte ah tu sawnga thupiang te khempeuh leh leitunga ama kihelna gamvai akipan vai thupi khempeuh ah Pope hanciamna lo-in bangmah piang theilo ding hi."<sup>1</sup> Kumza khat bei ma-in leitunga biakna khempeuh kigawmkhawm-a papacy makaihna nuai ah aom theihna dinga angimna atangtun theihna dingin pope in leitung mun tuamtuam ah vial 50 val bang zin khinta hi.

Tu-in America pen gal lam thahat pen leh huzap anei pen gam hi a, "Leitungah a thahat penpen gam [America] mah hilai hi."<sup>2</sup>

"Leitung bupa piang vai thupi khempeuh America ii thuneihna tawh kikhensat ding hi."<sup>3</sup> Laisiangtho genkholhna in United State of America leh papacy khut hong kilen ding ci-a kitel tak a agenkhoh tu-in leitung thupiang te in kipanpan khinta hicih kitel takin hong lak hi.

<sup>1</sup>Toronto Star, March 9, 1992, p. A-1.

<sup>2</sup>"The UN Obsession," Time, May 9, 1994, p. 86.

<sup>3</sup>Jim Hoagland, "Of Heroes ...," The Washington Post, August 21, 1991, p. A-23.